



www.BibleForChildren.org




Yohaana 14



Yesu aaghila beeghesebuwa be ati, “Mitima yaanu eleke kutuntula. Muhikilije Luhanga kandi muhikilije nanje dhe. Mu numba ya Tita halimu bisiika bikaniye. Nguli ghataabaagha majima, tanaangubaghambiiye nti ndimaghendayo kubateekaniliya bikalo.”




“T̄i nkaakughenda kandi ninaamala kubateekan̄ilija
b̄iikalo, nkukuuka mbatwale niikuwo hambali nkuba
ndi haaliyo naanu mwakala dhee nanje.”



Siye Yohaana muhikilija wa Yesu muunakyanu
kandi oghu ndi omui mu bulemi bwa Luhanga,
niibuwo bambona-boniya ngoku naanu

bakwete kubabona-boniya
haabwa kuhikilija Yesu.



Ti mbhonganuuwe
kugumisilija
kubonabona kwona
ngoku naanu
mwagumisilije.




Nkaba ndi mu kiikalo eki maasi gheelighiliiye
eki bakughilaghamu Patimo, bankwete
haabwa kulangilila kighambo kya

Luhanga kandi kuha
buukajiso haa Yesu.




Dumbi Mwoyo Ahikiliye anjis'o, naabona mu eghulu ntebe ya bukama, muntu asitamiy'o.



Niibuwo naaghuye bihanguwa byona by'omu eghulu,
munsi, mu etaka kandi mu nanja na byona ebilimu,
mbyatandika kulimba biti,


“Tusinde Luhanga oghu asitamiye
haa ntebe ya bukama, na Kyana
kya Ntaama. Baheebuwe migisa,
kuhuta, kitiinisa,
kandi butoki
bilo n'ebilo.”




Naabona kibugha kihikiliye, Yelusaalemu mpyaka, nkyalugha mu eghulu ewaa Luhanga, kiteekaniijibuwe kusemeeye nga mugholi akughenda kusweluwa.

Niibuwo naaghuye elaka lyamaani ndilugha haa ntebe ya bukama ndighila liti, “Endindi Luhanga ali hamui na


bantu be,
kandi akuukala nabo. Bakuba bantu be, ti Luhanga eenini akubaakalamu, kandi abe Luhanga wabo.”



Niibuwo malaika oghu anjolekiye kyambu kya maasi
ghaa bwomiili, ghakaba gheeliye dhiyo nga gilaasi
ebbeneeye kimui, ghaasendagha ngalugha haa ntebe
ya bukama ya Luhanga hamui na Kyana kya Ntaama.



Kandi kibugha eki takikwetaaghibuwagha musana kedha kweli kukibbeniyamu, nanga kitinisa kya Luhanga niikiyo kyabaagha kyeleeli kya kibugha eki, kandi Kyana kya Ntaama niye akaba ali taala y'omu kibugha eki.




Bhaatu kintu kyona kibhiihiye
takilitaaha mu kibugha eki,
nankabha muntu weena
oghu akukolagha
ebikukwatiya nsoni, kedha
bikoluwa bya bughobiya;
bhaatu abalitaahamu
ni aba bonkaha aba
maliina ghaabo
ghahandikuwe mu
kitabo kya bwomiili kya
Kyana kya Ntaama.




“Alibalaghaliya maligha ghoona
mu maaso ghaabo. Tabalitodha
kukuwa, nankabha kutuntula,
kedha kulila kedha kuba na
busaaliji bwona. Nanga bintu
bya hambele ebi byona biliba
bihooy’o.”




Mu kibugha eki taalitodha kubaamu kintu kyona eki
Luhanga akiiniye, nanga ntebe ya bukama ya Luhanga
kandi ya Kyana kya Ntaama niimuwo elaakalagha,
kandi baheeleliya be mbamulamija. Balibona Luhanga
haaliiso, kandi liina liye
liliba lihandiikuwe
haa bhuisu syabo.



Naabona abaaku_uye boona, aba bantu baabaagha
bahut_iye n'aba batahut_iye, beemiliye mu maaso ghaa
ntebe ya bukama kandi bitabo byabbu_uku_luwa. Kitabo
kya bwomi_ili nakiyo baak_ibbu_uku_la. Abaaku_uye
baabatw_ila musango kusighikila haa
bikoluwa byabo ebihandi_iku_uwe mu
bitabo ebi. Weena oghu li_ina liye
litahandi_iku_uwe mu
kitabo kya bwomi_ili,
baamukuba mu
nanja ya mulilo.



Mwoyo na Mugholi bakwete kughila bati, “Wiise!” Kandi weena oghu akuughuuwa bini, oleke aghile ati, “Wiise.” Kandi weena oghu eliyo likwete, oleke aase; na weena oghu akubbala, oleke aase anuwe haa maasi ghaa bwomiili agha bataakughulagha.



Kumanya Luhanga naakundiye nsi,
akahayo Mwana wee omui enkaha,
niikuwo weena oghu akumuhikilija
atahwelekeelela, bhaatu
atunge bwomiili
butahuw'o.



Balooma 3:23

Nanga bantu boona bakasiisa, baalemuwa kuhika haa kitiinisa kya Luhanga.

Balooma 6:23

Nanga mpeela ya kibhi ni luku, bhaatu kitembo eki Luhanga akuheelagha busa, ni bwomiili butahuw'o mu Kilisito Yesu Mukama waatu.

Bahebbulaayo 9:27

Ti ngoku muntu ali na kukuwa mulundi ghumui, kandi haanuma y'eki Luhanga amutwile musango,

Beefeeso 2:8,9

Enuwe mukahikilija mwajunuwa haabwa ngughuma sya Luhanga. Eki tamwakyekoleeye enuwe bonkaha, bhaatu ni kitembo kya Luhanga. Taabaaye kiyo haabwa bikoluwa byanu, nahabweki atab'o muntu n'omui oghu akwepanka.



Balooma 10:9,10

Kaakuba waatula na kanuwa kaawe oti, “Yesu ni Mukama,”
kandi ohikilija mu mutima ghwawe ngoku Luhanga
aamuhumbuyeye mu bakuyeye, olijunuwa.

Nanga muntu akaakuhikilijagha aahiiye haa mutima,
akubaluwagha kuba ahikiliye, kandi akaakwatulagha na
kanuwa ke, akujunuwagha.

Yohaana 3:16,17

Kumanya Luhanga naakundiye nsi, akahayo Mwana wee
omui enkaha, niikuwo weena oghu akumuhikilija
atahwelekeelela, bhaatu atunge bwomili butahuw’o.

Nanga Luhanga taatumiyeye Mwana wee munsi kughitwila
musango, bhaatu niikuwo nsi egubhe kujunuwa kukwamu
mu Mwana oghu.



1 Yohaana 5:11-13

Ti buukaiso niibuwo buni, Luhanga akatuha bwomiili butahuw'o, kandi bwomiili obu buli mu Mwana wee. Weena oghu ali na Mwana, ali na bwomiili obu. Bhaatu weena oghu atali na Mwana oghu, taali na bwomiili obu. Bintu bini naabihandiikila enuwe abahikiliije liina Iya Mwana wa Luhanga, niikuwo mumanye ngoku muli na bwomiili butahuw'o.



Yohaana 14; 2 Bakolinto 5;
Kusuukululuwa 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Lubwisi, Talinga-Bwisi NT (tlj) © (Active) Wycliffe
Bible Translators, Inc. All rights reserved.

<https://live.bible.is/bible/TLJWBT/MAT/1>

©2024 Bible for Children, Inc.

www.M1914.org

www.bibleforchildren.org

